



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellus Sodalitatis: Hoc Est: Christianarum Institutionum Libri quinque

Coster, Franciscus

Antverpiæ, 1587

9 Remedia contra iram.

[urn:nbn:de:hbz:466:1-46553](https://nbn-resolving.org/urn:nbn:de:hbz:466:1-46553)

adfert inuidia; & bonorum, quæ adfert charitas. Inuidia siquidem, vt ait D. Basilius, nemini magis nocet, quàm authori. Sicut enim (inquit D. Augustinus) ærugo ferrum: ita inuidia ipsam animã, in qua est, interimit, & consumit. Omnibus grauis est inuidus, nemini charus; ridetur ab omnibus, illi nemo compatitur. Nã sicut hoc vitium proprium est diaboli (vt ait D. Basilius) ita & ad inuidum affecti sunt homines, vt affici solêt erga diabolum. Contra verò charitas letitiam parit, aliorum bona etiam nostra facit, amorẽ aliorum conciliat, &c. vt est apud D. Chrysostomum, & D. Gregorium pastoralis curæ parte 3. Admonitione II.

Homil. de inuidia. Serm. 81. de tepore.

Hom. in aliquot scriptura locos.

Hom. 44. ad popul. Ant.

CAPVT IX.

REMEDIA CONTRA IRAM.

P R I M V M ex D. Basilio, vt statim atque moueri te sentis, iram cõhibeas: & si internam commotionẽ fortasse sedare non possis, saltem linguam contineas, vt neq. bona loquaris, neq. mala, ne quid laxata effutiat, quod ira, non ratio dictet: & potius te ad orandum conuertas, tuamq. infirmitatem Deo curandam proponas.

Hom. de Ira.

2. Ex B. Gregorio. Vt mens (inquit) sollicita, antequam aliquid agere incipiat, omnes sibi, quas pati potest, cõtumelias proponat; quatenus Redemptoris sui probra cogitãs, ad aduersa se præparet. Iacula enim præuisa minus feriunt.

Lib. 5. Moral. cap. 32.

K 2 3. Ex

3. Ex eodem loco, Vt cum alienos (ait) excessus aspiciamus, nostra, quibus in aliis excessibus delicta cogitemus. Considerata quippe infirmitas propria, mala nobis excusat aliena. Cogitet igitur homo, quam multa alij in ipso tolerent, quam multa toleret Deus, qui si ad singulas culpas vindictam inferret, iam dudum periissemus omnes. Deniq. & homo ipse frequenter sibi est grauis, sibiq. displicet. Proinde qui talis est, ipse suo vitio vt se tolerare debeat, non grauate ferat ab aliis committi, quod sit tolerandum.

4. Consideranda incommoda, quæ ex ira sequuntur. Quid enim prodest vindicta post acceptam iniuriam? An forte vulnus tuum alieno vulnere curatum est? aut conuiuium acceptum, conuiuium reddito? Hæc porro assequitur, qui iræ obtemperat: 1. Corona gloriæ & mercede æterna priuatur: 2. Minister fit & instrumentum Diaboli: 3. Occidit animam suam, vt lædat corpus alterius. Similis est enim incundus homini, qui vt Asinum occidat, se ipsum perimit: & item illi, qui ob immensa debita, quibus soluendis non erat, coniectus in carcerem, oblatam ab alio solutionem magni fastu recusat. Per eum quippe, qui nobis iniuriam facit, debitum quo Deo obstringebamur tollitur, modo patienter iniuriam feramus. 4. Iratus homo vindictam petens, ostendit Deo, quomodo cupiat ab ipso secum agi: nimirum, vt sicut ipse in alio non tolerat parua, ita nec à Deo in ipso parua toleretur. Quemadmodum scriptum est

est: *Qua mensura mēsi fueritis, remetietur vobis* Et *Luc. 6.*

in Oratione Dominica: *Dimitte nobis debita nostra, sicut & nos dimittimus debitoribus nostris.* *Matth. 6.*

Gregorius lib. 5. Moral. cap. 31. adfert sex alia detrimenta. Nam (ait) per iram amittitur Primo, Sapientia: dū ratio cæcatur. Secundo, Iustitia: Ira enim viri, iustitiam Dei non operatur. Tercio, Sodalitas: nam iracundi hominis consuetudo nemini grata est. Noli, ait sapiēs, *Iac. 2.*

esse amicus homini iracūdo. Quarto, concordia: dum pax perturbatur. Quinto, Lux veritatis: quia dum menti iracundia cōfusionis tenebras incutit, huic Deus radium suæ cognitionis abscondit. Sexto, Splendor Spiritus sancti: Super quem, ait Propheta, requiescet spiritus meus, nisi super humilem & quietum, id est, mansuetum. *Prov. 12.*

5. Frequēter perpendere iniurias, quas non verbis solis, sed multis quoq. verberibus sustinuit Christus, nulla sua culpa, sed ad delendā culpam tuam. Aspiciētes (ait B. Paulus) in auctorem fidei & consummatorem Iesum; qui proposito sibi gaudio, sustinuit crucem: Recogitate eum, qui talem sustinuit à peccatoribus aduersus semetipsum contradictionem, vt ne fatigemini animis vestris deficiētes. Et B. Petrus: Si beneficientes patienter sustinetis, hæc est gratia apud Deū. In hoc enim vocati estis. Quia & Christus passus est pro nobis, vobis relinquens exemplum, vt sequamini eius vestigia eius. Officium namq. hominis Christiani est, ad imitationem Christi capitis sui, omnium-

Esa. 66.

Heb. 12.

1. Pet. 2.

130 CHRISTIANARVM
numque Sanctorum, bona facere, & mala
pati, in eo que ad finem perdurare.

CAPVT X.

REMEDIA CONTRA GVLAM.

P R I M V M, Consortia potatorum deuita-
re, & omnes occasiones fugere, iuxta ad-
monitionem sapientis: *Noli esse in conuiuio*
potatorum, nec in comessationibus eorum. Et postea:
Ne inquearis vitum quando flauescit, quum
splenduerit in vitro color eius: ingreditur bla-
de, sed in nouissimo mordebit vt coluber, &
sicut regulus venenum diffundet. Difficilli-
mum est, in deliciis non excedere, & in mul-
titudine ac nouitate ferculorum mediocrita-
tem seruare, dum posteriora nouitate delitia-
rum prouocant appetitum præcedentibus sa-
tium, vt pulchrè docet B. Bernardus, Apolo-
gia ad Guilielmum Abbatem.

2. Considerare incommoda animæ & cor-
poris, quæ ex gula proficisci solent. Animæ qui-
dem sunt, Primò, Luxuriâ. Nam teste B. Hie-
ronymo, venter vino æstuans citò spumat in
libidinem: & B. Paulus ait: *Nolite inebriari vi-*
no, in quo est luxuria. Secundò, cordis aduersus
misericordiam obduratio. Vrait Propheta: *Bib-*
bentes in phialis, & optimo unguento delibuti, nihil
compatiebantur super contritione Ioseph. Ita diues
epulo non est compassus Lazaro. Tertiò, Ira
& homicidia. Vinum (inquit Sapiens) multum
potatum, irritationem, & irâ, & ruinas multas
facit. Sic enim B. Ioannes Baptistâ, in cõuiuio
Hero-

Epist. 83
ad Ocea-
num.

Ephes. 5.

Amos 6.

Luci. 16.

Eclli. 31.

Matt. 14.